

2014-imi pisortanit soraarnerussutisiallit

**2011-mit 2014-imut aningaasat tunngaviusut
malillugit qaammat decembarimi**

Imarisai

1. Aallaqqaasiut	3
2. 2011-mit 2014-imut soraarnerussutisiallit decembarimi	5
3. Soraarnerussutisiallit amerleriarneri ikileriarneri	6
4. Inatsit tunngaviusoq	8
5. Nalunaarsuutit tunngaviusut aammalu periaaseq	10

1. Aallaqqaasiut

Saqqummersitami matumani aningaasat tunngaviusut malillugit pisortanit utoqqalimermi aammalu siusinaartumik soraarnerussutisiallit kisitsisitigut paasissutissiissutigineqarput.

Saqqummersitap ilusilersornera

Saqqummersitami 2011-mit 2014-imut utoqqalinermi aammalu siusinaartumik soraarnerussutisiallit qaammat decembarimi amerlassusaat naatsorsorneqarput.

Immikkoortut aappaanni utoqqalinermi aammalu siusinaartumik soraarnerussutisiallinnut kisitsisit pingaarnersiorlugit paassissut takuneqarsinnaapput. Immikkoortumilu Kisitsisaataasivimmi tabelit saqqummersitamut tunngasut assigiinningsut eqikkarneqarlutik. Kisitsisaataasivimmi tabelini pingaarnertut sammeneqarput soraarnerussutisiallit suaiaassusaat, ukiui aammalu sumi najugaqarneri. Aammattaaq pingaarnertut sammeneqarput soraarnerussutisiallit kisimiittutut imaluunniit aappariittut pisartagaqarnersut, tassuunalu aningaasat tunngaviusut pisartakkat nammeneq aapparisalluunniit isertitai malillugit ilanngaanneqartarnersut aammalu soraarnerussutisialik ilanngariikkanik (kaasarfimmiiunik) pisartagaqartuunersoq utoqqaat illuanni imaluunniit ulluklut unnuakkullu inissiisarfimmiiinneq pissutingalugu.

Immikkoortut pingajuanni soraarnerussutisiallit ukiunut qaninnernut kingullernut sanilliullugit amerleriarnert ikileriarnere allu sammeneqarput. Immikkoortumi Kisitsisaataasivimmit tabelit marluk saqqummersitamut tunngasut kisitsisini tunngavigineqarput.

Immikkoortut sisamaanni pisortanit soraarnerussutisiat pillugit inatsit tunngaviusoq aammalu soraarnerussutisiatqartitsinissamut aalajangiinnermi tunngavigineqartut pingaarnersiorneqarput.

Kisitsisitigut paasissutissat kommuunit natsoorsuuserisarfianit, Naatsorsueqqissaartafiup inunnut nalunaarsuiffianit aammalu pisortat akissarsialeriviannit nalunaarsuutit atorlugit pilersinneqarput. Immikkoortullu tallimaanni nalunaarsuutit tunngaviusut suliarineqarneri aammalu periaaseq nassuiarneqarput.

Saqqummersitaq ilanngussamik ilaqarpoq, tassani utoqqalinermi aammalu siusinaartumik soraarnerussutisiat aningaasat tunngaviusut malillugit akit ineriartornerat takutinneqarpoq.

Kisitsisitigut paasissutissanit allanit assigiinningsut

Naatsorsueqqissaartarfiup saqqummersitaani ”2014-imi isumaginninnermut ikiorsiissutinik pisartut”-ni utoqqalinermi aammalu siusinaartumik soraarnerussutisiallit amerlassusaannut tunngasut kisitsisit saqqummersinneqartut allaanerupput. Assigiinningsut immikkoortut tallimaanni kisitsisitigut paasissutissanut periutsimi takuneqarsinnaavoq.

Kisitsisaataasivimmi

Kisitsisaataasivimmi kisitsisinik nammineq toqqakkanik aallertoqarsinnaavoq, uuttuutit soorlu najugaq, ikiorsiissut, ukiut, suaassuseq, ukioq pineqartoq aammalu soraarnerussutisiat annertussusaasa katiternerisigut.

2. 2011-mit 2014-imut soraarnerussutisiallit decembarimi

Kisitsisitigut paasissutissani soraarnerussutisianik pisartooq nalunaarsorneqartarpoq pineqartooq ukiup naanerani Kalaallit Nunaanni najugaqartuusimappat aammalu pisortat akissarsialerivianni kommunillu naatsorsuuseriviini utoqqalinermi siusinaartumilluunniit soraarnerussutisianik aningaasanik tunngaviusunik pisartagalittut qaammat decembarimi ukiumilu naatsorsuuseriviusumi allattorsimappat.

2014 decembarimi utoqqalinermi soraarnerussutisianik aningaasanik tunngaviusunik inuit 3.671-it pisartagaqarsimapput, taakkunaannga inuit 373-it ilanngaanneqarsimasunik (kaasarfimmiumik) nerisaqarnermut ineqarnermullu tapiliussanik pisartagaqarsimapput, Utoqqaat Illuiniinneq imaluunniit ulloq unnuarlu inissiisarfimmianneq pissutigalungu. Utoqqalinermi soraarnerussutisiallit amerlanersaat katillugit 1.805-it soraarnerussutisianik kisimiittutut pisartagaqarsimapput, 1.493-illu aappariittut soraarnerussutisiaqarsimallutik. Katillugit inuit 2.565-it decembarimi siusinaartumik soraarnerussutisiallittut allattorsimapput taakkulu amerlanersaat ikisimiittutut soraarnerussutisiaqarsimallutik.

Takussutissaq 1. Pisortanit soraarnerussutisiallit, soraarnerussutisiat suuneri malillugit

Utoqqalinermi soraarnerussutisiallit	2011	2012	2013	2014
Katillugit	3.585	3.623	3.669	3.671
Kisimiittut	1.769	1.772	1.811	1.805
Aappariit	1.466	1.513	1.499	1.493
Inissiisarfimmittut	350	338	359	373
Siusinaartumik soraarnerussutisiallit <th>2011</th> <th>2012</th> <th>2013</th> <th>2014</th>	2011	2012	2013	2014
Katillugit	2.728	2.691	2.619	2.565
Kisimiittut	1.532	1.539	1.509	1.507
Aappariit	1.042	1.004	972	917
Inissiisarfimmittut	154	148	138	141

Najoqqutaq: Naatsorsueqqissaartarfik - Kisitsisaataasivimmi kisitsisit takukkit (<http://bank.stat.gl/SONPEN5>)

Soraarnerussutisiallit amerlassusaat inuit amerlassusaannut sanilliukkaanni takuneqarsinnaavoq Nanortalimmi Qeqertarsuarmilu siusinaartumik soraarnerussutisiallit amerlanerusut, tassani inuit 13,2 procentii aammalu 13,7 procentii 18-64-inik ukiullit siusinaartumik soraarnerussutisiaqarmata. Nuummi Sisimiunilu pineqartunut kisitsit 5 procentip ataaniippoq. Nuna tamakkerlugu inuit 64-it sinnerlugit ukiullit 87 procentii utoqqalinermi soraarnerussutisiaqarput. Nuummi soraarnerussutisiallit agguaqatigiissillugu 72,9 procentimik nalunaarsorsimallutik ikinnerpaapput, Qasigiannguanilu agguaqatigiissillugu soraarnerussutisiallit 95 procentiullutik amerlanersaallutik.

Takussutissaq 2. 2014-imi soraarnerussutisiallit decembarimi, najugaqarfii malillugit

	Utoqqalinermi soraarnerus- sutisiallit	65+ ukiullit agguaqatigiissillugu procentinngorlugit	Siusinaartumik soraarnerussutisiallit	18-64 – nik ukiullit agguaqatigiis- sillugu procentin- ngorlugit
Nanortalik	211	93	149	13,2
Qaqortoq	259	85,2	143	6,4
Narsaq	200	88,9	101	8,8
Paamiut	166	91,2	115	11,5
Nuuk	648	72,9	538	4,4
Maniitsoq	291	91,8	179	8,8
Sisimiut	402	89,5	189	4,5
Kangaatsiaq	73	93,6	72	9,6
Aasiaat	280	92,1	207	9,5
Qasigiannugit	132	95,0	53	6,7
Ilulissat	349	88,4	258	8,0
Qeqertarsuaq	121	94,5	77	13,7
Uummannaq	165	91,2	95	6,5
Upernavik	166	93,8	154	8,7
Qaanaaq	50	94,3	50	10,1
Tasiilaq	133	88,1	157	8,6
Ittoqortoormiit	25	89,3	28	10,6
Katillugit	3671	86,8	2565	6,9

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/SONPEN2> aammalu <http://bank.stat.gl/SONPEN3>)

Siusinaartumik soraarnerussutisiallit procentinngorlugu agguaqatigiissinnerat ukioqqortusiartorneq malillugu qaffakkiartorpoq, inuillu 55-64-inik ukiullit 18, 3 procentii siusinaartumik soraarnerussutisiaqarput. Ukiut immikkoortiterneru malillugit inuit 70–it sinnerlugit ukiullit 90 procentii utoqqalinermi soraarnerussutisiaqarlutik.

Takussutissaq 3. 2014-imi soraarnerussutisiallit decembarimi, suaassuseq aammalu ukiut malillugit

Siusinaartumik soraarnerussutisiallit	Angutit	Arnat	Katillugit	Agguaqatigiis- sillugu procenti
18-24-nik ukiullit ..	31	43	74	1,2
25-34-nik ukiullit ..	119	80	199	2,4
35-44-nik ukiullit ..	129	107	236	3,7
45-54-inik ukiullit ..	428	431	859	8,6
55-64-inik ukiullit ..	596	601	1197	18,3
Katillugit	1303	1262	2565	6,8

Utoqqalinermi soraarnerussutisiallit	Angutit	Arnat	Katillugit	Agguaqatigiissillu gu procenti
65-69-inik ukiullit ..	700	589	1289	75,8
70-74-inik ukiullit ..	631	607	1238	91,6
75-79-inik ukiullit ..	288	337	625	96
80-89-inik ukiullit ..	192	301	493	97,6
90-inik ukiullit qummullu	11	15	26	100
Katillugit	1822	1849	3671	86,7

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/SONAPE1>) aammalu (<http://bank.stat.gl/SONFPE1>)

3. Soraarnerussutisiallit amerleriarneri ikileriarneri

Naleqquttuuvog soraarnerussutisiallit amerleriarneri ikileriarneri qiviassallugit. Ataani takussutissat sisamaanni tallimaannilu takuneqarsinnaavoq utoqqalinermi aammalu siusinaartumik soraarnerussutisiallit 2012-imit 2014-imut amerleriarneri ikileriarneri. Inuit 2014-imi soraarnerussutisiaqarunnaarsimasut tassaapput 2013-imi soraarnerussutisiaqarsimasut, inuillu 2014-imi soraarnerussutisiaqalersimasut ukiumi pineqartumi kisimi soraarnerussutisialittut naatsorsugaapput.

Takussutissaq 4. Utoqqalinermi soraarnerussutisiallit amerleriarneri ikileriarneri

	2012		2013		2014	
	Ikileriarneri	Amerleriarneri	Ikileriarneri	Amerleriarneri	Ikileriarneri	Amerleriarneri
Katillugit . .	284	322	262	308	287	289
65-69-inik ukiullit	66	308	71	291	78	259
70-74-inik ukiullit	87	7	63	15	68	20
75-79-inik ukiullit	59	4	67	0	60	7
80-89-inik ukiullit	66	3	55	2	77	3
90-inik ukiullit qummullu. . .	6	0	6	0	4	0

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/SONAPE3>)

Takussutissaq 5. Siusinaartumik soraarnerussutisiallit amerleriarneri ikileriarneri

	2012		2013		2014	
	Ikileriarneri	Amerleriarneri	Ikileriarneri	Amerleriarneri	Ikileriarneri	Amerleriarneri
Katillugit . .	250	213	244	172	218	164
18-24-nik ukiullit	2	17	1	18	1	13
25-34-nik ukiullit	5	16	9	6	8	9
35-44-nik ukiullit	9	27	9	10	7	10
45-54-inik ukiullit	35	73	30	54	38	55
55-64-inik ukiullit	199	80	195	84	164	77

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/SONFPE3>)

Piffissami 2012 aammalu 2014 akornanni agguaqatigiissillugu siusinaartumik soraarnerussutisiallit inunnik 237-nik ikileriarsimapput aammalu agguaqatigiissillugu inunnik 183-inik amerleriarsimallutik. Utoqqalinermi soraarnerussutisiallit agguaqatigiissillugu 29-nik ikileriarnermiit amerleriarsimapput.

Utoqqalinermi soraarnerussutisiaqalertut nutaat amerleriaataasut tassaapput utoqqaliner siuteqarsinnaalernissamut 65-inik ukioqalersimasut. Taamatullu siusinaartumik soraarnerussutisiallit 65-inik ukioqalerner mi ikileriarnerat utoqqaliner mi soraarnerussutisianut pisartagaqalerner mi pissuteqarpoq.

4. Inatsit tunngaviusoq

Ataani atuarneqarsinnaapput utoqqalinermi aammalu siusinaartumik soraarnerussutisiat pillugit inatsisit tunngaviusut. Annertunerusumik paasisaqarnerusinnaavutit Ilaqutariinnermut, Naligiissitaanermut Isumaginninnermullu Naalakkersuisoqarfiup nittartagaani <http://naalakkersuisut.gl>-imi, inunnik isumaginninnermut tunngasuni inatsisit atuuttut alakkarnerisigut. Tassani Inatsisartut peqqussutaat nalunaarutillu atulersinneqartut atuarneqarlutillu aaneqarsinnaapput.

Utoqqalinermi soraarnerussutisiat

2010-mi januaarip aallaqqaataa aallarnerfigalungu inuit 65-inik ukioqalereersimasut utoqqalinermi soraarnerussutisiaqarsinnaatitaapput.

2014-imi januaarip aallaqqaataa aallarnerfigalungu utoqqalinermi soraarnerussutisiat kisimiittumut ukiumut 129.800 kr.-inik annertussuseqarput. Soraarnerussutisiat annerpaat utoqqalinermi soraarnerussutisialinnut allamik soraarnerussutisiaqartumik aappaqartunut allaanerusarput. Ilanngussami takuneqarsinnaapput soraarnerussutisiat amerlassusaat annerpaat minnerpaallu, soraarnerussutisianut assigiinngitsunut immikkoortiternerini. Nammineq isertitat allat aammalu aapparisp isertitai allat aallaavigalungit soraarnerussutisiat naleqqussarneqartarput. Aapparisp inooqatigisalluunniit isertitaasa akileraarutaasussat annertussusaat apeqqutaatinnangu utoqqalinermi soraarnerussutisialik nammineq allanik isertitaqangippat pisussaataavoq kisimiittumut aningaasat tunngavisut amerlanersaasa 50 procentiatut annertutigisumik soraarnerussutisiaqatitaassalluni.

Utoqqalinermi soraarnerussutisiat meeqqanut tapeqarsinnaapput, soraarnerussutisialik meeqqanik 18-it inorlugit ukiulinnik pilersuisussaataappat. Taamatullu utoqqalinermi soraarnerussutisiat aningaasat tunngaviusut saniatigut aaliangersimasumik atugassanik aammalu inummut tapinik ilaneqarsinnaapput.

Utoqqalinermi soraarnerussutisialik utoqqaat illuinut, napparsimmavinni isumaginninnermi immikkoortortaqarfimmut allamulluunniit isumaginninnikkut ulloq unnuarlu angerlarsimaffimmi ineqarlersimappat aningaasat tunngaviusut annerpaartaasa 20 procentia soraarnerussutisiarineqassaaq, aningaasanik tunngaviusunik ilanngakkanik imaluunniit kaasarfimmuunik taaneqartunik, apeqqutaatinnangu soraarnerussutisialik allanik isertitaqartuunera.

Utoqqalinermi soraarnerussutisiat aningaasat tunngaviusut juulip aallaqqaataa aallarnerfigalungu ukioq pineqartup siuliani akigititat inissisimaffiinik naleqqersuutip ineriartornera malillugu naleqqussarneqarput.

Inatsisartut inatsisaat nr.3 7. maaji 2007-imeersoq utoqqalinermit soraarnerussutisialinnut, 1. juuli 2007-imi atuutilersumit utoqqalinermi soraarnerussutisiaqartitsisoqarpoq.

Siusinaartumik soraarnerussutisiat

Siusinaartumik soraarnerussutisiat inunnut timikkut, tarnikkut imaluunniit isumaginninnikkut inissisimanermik peqquteqarluni sulinissamut piginnaasat ataavartumik annikillismappata tunniunneqartarput. Inuit 18-ileereersimasut sulilu 65-iliisimannngitsut siusinaartumik soraarnerussutisiaqarsinnaatitaapput, taamatullu 18-it inorlugit ukiullit siusinaartumik soraarnerussutisiaqarsinnaapput qinnuteqartoq aappaminut, inooqatiminut meeqqamulluunniit pilersuisussaataappat.

Siusinaartumik soraarnerussutisiat kisimiittumut ukiumut 106.000 kr.-inik annertussuseqarput. Soraarnerussutisiat annerpaat siusinaartumik soraarnerussutisialinnut allamik soraarnerussutisiaqartumik aappaqartumut allaanerusarput. Ilanngussami takuneqarsinnaapput soraarnerussutisiat amerlassusaat annerpaat minnerpaallu, soraarnerussutisiallit assigiinngitsunut immikkoortitersimanagerini. Nammineq isertitat allat aammalu aapparisaq isertitai allat aallaavigalungit soraarnerussutisiat naleqqussarneqartarput.

Siusinaartumik soraarnerussutisiat meeqqanut tapeqarsinnaapput, soraarnerussutisialik meeqqanut 18-it inorlugit ukiulinnut pilersuisussaataappat, kommunilu najugarisaq aamma inummut tapeqartitsisinnaalluni.

Siusinaartumik soraarnerussutisialik utoqqaat illuinut, napparsimmavinni isumaginninnermi immikkoortortaqarfimmut allamulluunniit isumaginninnikkut ulloq unnuarlu angerlarsimaffimmi ineqalersimappat, aningaasat tunngaviusut annerpaartaasa 20 procentia soraarnerussutisarineqassaaq aningaasanik tunngaviusunik ilanngakkanik imaluunniit kaasarfimmiunik taaneqartunik, apeqqutaatinnangu siusinaartumik soraarnerussutisialik allanik isertitaqartuunera.

Inatsisartut inatsisaat nr. 4 7. maaji 2007-imeersoq siusinaartumik soraarnerussutisialinnut 31. maaji 2010-mi atuutilersumit siusinaartumik soraarnerussutisiaqartitsisoqarpoq.

5. Nalunaarsuutit tunngaviusut aammalu periaaseq

Kommunit nalunaarsuiffiannit tigusat

Soraarnerussutisianut kisitsisitigut paasissutissat pisortat akissarsialerivianninngaanneerput. Taamatullu kommunit nalunaarsuiffiinit aammalu Naatsorsueqqissaartarfiup inunnik nalunaarsuiffiannit nalunaarsuutit tunngaviusut atorneqarlutik.

Pineqartut allaffissorluni aqutsinermi nalunaarsuiffinngaanneerput kisitsisitigut paasissutissanut atugassatut ineriartortitaanatik, taamaattumillu naalunaarsuutit tunngaviusut suliareqqillugit nalilersorlugillu suliaapput.

Inuit amerlassusaannik killiliineq

Kisitsisitigut paasissutissani pineqartut tassaapput Naatsorsueqqissaartarfiup inunnik nalunaarsuiffiani inuit ukiup naanerani Kalaallit Nunaanni kommunini najugaqartutut allattorsimasut. Inuit allattorsimaffianni soraarnerussutisialik sumiiffimmi najugaqartutut allaqqasoq tassani najugaqartutut naatsorsuussaavoq, inuillu allattorsimaffianni sumiiffimmi najugaqartutut naatsorsorneqarsimaneq kommunit naatsorsuuserisarfianni allami najugaqartutut allaqqasinnaalluni.

Ukiut

Ukiut ukiumi pineqartumi novembarip naanerani ukiorisanut naatsorsorneqarput. 65-inik ukioqalernermi qaammat ataaseq ingerlareersimatillungu utoqqalinermit soraarnerussutisiaqalertoqarsinnaavoq. Novembarip naanerani 65-ileereersimasut decembarimi utoqqalinermit soraarnerussutisiaqalernissamut qinnuteqarsinnaapput, novembarillu naanerani 65-it ataallugit ukiullit utoqqalinermi soraarnerussutisiaqarsinnaatitaallutik.

Periaaseq

Kisitsisitigut paasissutissat soraarnerussutisiaqarnermut tunngasut kommunit naatsorsuuseriviannit Winformatik-imik taaneqartumit tigusaapput. Naatsorsuutit utoqqalinermi aammalu siusinaarluni soraarnerussutisiallit aningaaseriviannut nuunneqarsimasut aningaasat tunngaviusut malillugit tigusaapput. Soraarnerussutisiaqartitsinerit ukiumi naatsorsuuserivimmi pineqartumi qaammat decembarimi soraarnerussutisiaqarsimasutut allattorsimasut kisimik suliarineqarput. Naatsorsuutinilu takuneqarsinnaapput soraarnerussutisiat soraarnerussutisialinnut soorlu inissiisarfinni imaluunniit utoqqaat illuini najugaqartunut naleqqussagaanersut (kaasarfimmiunersut).

Pisortat akissarsialeriviannut soraarnerussutisiap suunerinut paasissutissat aaneqarput, soorlu soraarnerussutisialik kisimiittuunersoq aappaqarnersorluunniit. Aappariinnut soraarnerussutisiaqartunut aningaasat amerlassusaat aapparisaq isertitai aallaavingalugit annertussuseqartarput, soorlu aapparisaq aamma utoqqalinermi siusinaartumilluunniit soraarnerussutisiaqarpat. Kisimiittutut nalunaarsorneqarsimasut isertitai allat tunngavingalungit soraarnerussutisiaqartinneqartarput.

Pisortat akissarsialeriviinit paasissutissat kisitsisitigut paasissutissanut tunngaviumik atorneqarput, kommunillu naatsorsuuserisarfianit paasissutissat kukkunerstiornermut atorneqarlutik.

Naatsorsuutinit allanit assigiinngissut

Naatsorsueqqissaartarfik ukiuni arlalinni ”Isumaginninnermut ikiorsiissutinik pisartut 20xx”-imik taallugu saqqummersitsisarpoq, uanilu saqqummersitami utoqqalinermi aammalu siusinaartumik soraarnerussutisiallit nalunaarsukkat 3.980-it aammalu 2.809-t saqqummersitami isumaginninnermut tunngasuni 3.671-init 2.565-iniillu allaanerupput. Saqqummersitami ”2014-imi isumaginninnermut ikiorsiissutinik pisartut”-ni allaanerussutaavoq soraarnerussutisiallit ukiup ingerlanerani soraarnerussutisiallittut allattorsimasut tamarmik nalunaarsungaammata, uanilu saqqummersitami soraarnerussutisiallit ukiup naanerani Kalaallit Nunaanni najugaqartut decembarilu qaammat soraarnerussutisiallittut allattorsimasut nalunaarsungaallutik. Taamaattumik soraarnerussutisiallit soorlu ukiup naanera tikitsinnagu toqusimasut imaluunniit Kalaallit Nunaannit aallarsimasut naatsorsuutinit ilaanngillat.

Uani saqqummersitami aammalu saqqummersitami ”2014-imi isumaginninnermut ikiorsiissutinik pisartut”-ni assigiinngissutit najoqqutanik, periaatsinik nalilersuinernillu assigiinngitsunik atuinernik tunngaveqarput.

Kommunit najugaqarfiillu

2009-mi januaarip aallaqqaataa aallarnerfigalugu kommunit 18-it sisamangortinneqarput. Uani saqqummersitami kommunit immikkoorneri qangarnitsat atorneqarput, immikkoortortaqarfinnik taaneqarlutik. Immikkoortortaqarfinni taasani illoqarfik pingaarneq nunaqarfiillu ilanngullugit aammalu savaateqarfiit naatsorsuussaapput. Ataani takuneqarsinnaapput kommunit immikkoortortaqarfiit pineqartut immikkoortiterneri.

Tabel 1. Kommunit najugaqarfiillu

Kommuni	Kommune Kujalleq	Kommuneqarfik Sermersooq	Qeqqata Kommunia	Qaasuitsup Kommunia
Immikkoortortaqarfik	Nanortalik Qaqortoq Narsaq	Ivittuut Paamiut Nuuk Tasiilaq Ittoqqortoormiit	Maniitsoq Sisimiut	Kangaatsiaq Aasiaat Qasigiannuguit Ilulissat Qeqertarsuaq Uummannaq Upernavik Qaanaaq

Ilanngussaq: Soraarnerussutisiat amerlassusaat annerpaat minnerpaallu

	2014	2013	2012	2011
Utoqqalinermi soraarnerussutisiat				
Aningaasat tunngaviusut annerpaat kisimiittunut aappariinnullu, aapparisaq kisimi soraarnerussutisaqarsinnaatitaappat	10.817	10.817	10.291	10.291
Aningaasat tunngaviusut annerpaat utoqqalinermi soraarnerussutisialinnut, aapparisaq utoqqalinermi soraarnerussutisiaqarpat	7.375	7.375	7.017	7.017
Aningaasat tunngaviusut annerpaat utoqqalinermi soraarnerussutisialinnut, aapparisaq siusinaartumik soraarnerussutisiaqarpat	7.703	7.703	7.485	7.485
Utoqqalinermi soraarnerussutisialinnut kaasarfimmiut	2.163	2.163	2.058	2.058
Aningaasat tunngaviusut minnerpaat aappariittut utoqqalinermi soraarnerussutisialinnut, saniatigut isertitaqanngitsut	5.408	5.408	5.146	5.146
Siusinaartumik soraarnerussutisiat				
Aningaasat tunngaviusut annerpaat kisimiittunut aappariinnullu, aapparisaq kisimi soraarnerussutisaqarsinnaatitaappat	8.833	8.833	8.333	8.333
Aningaasat tunngaviusut annerpaat siusinaarluni soraarnerussutisialinnut, aapparisaq siusinaartumik soraarnerussutisiaqarpat	5.777	5.777	5.450	5.450
Aningaasat tunngaviusut annerpaat siusinaartumik soraarnerussutisialinnut, aapparisaq utoqqalinermi soraarnerussutisiaqarpat	6.625	6.625	6.250	6.250
Siusinaartumik soraarnerussutisialinnut kaasarfimmiut	1.767	1.767	1.667	1.667
Aningaasat tunngaviusut minnerpaat siusinaartumik soraarnerussutisialinnut	1.767	1.767	1.667	1.667

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Anders Blaabjerg

E-mail: abla@stat.gl

Isumaginninnermut tunngasut

Grønlands Statistik
 Postboks 1025 · 3900 Nuuk
 Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

